

**ՍԵՎԱՆԻ ՎԱԶԳԵՆՅԱՆ ՀՈԳԵՎՈՐ ԴՊՐԱՆՈՅԸ  
ՍՎՍԵՑ ԻՐ ՈՒԹԵՐՈՐԴ՝ 1997-1998 ԹԹ.-Ի  
ՈՒՍՈՒՄՆԱԿԱՆ ՏԱՐԻՆ**

*«Նեղուքիւնք գիւմբերուքիւն գործեն,  
համբերութիւն գեանդէս, հանդէս գոյս.  
Յոյս ոչ հրքեք ամալեցուցանէ»*

*(Հռովմ. Ե 3-5):*

Հիրավի, մարդ ապրում է հույսով, հույս՝ հանդեպ վաղվա օրը, հանդեպ իր գալիքը և հանդեպ իր Արարիչն Աստված: Այդ հույսն է, որ ապրեցնում է մարդուն և նոր կենսաուժ հաղորդում նրան: Այդ հույսն է, որ հոգեպես թրծում է մարդուն և ստեղծագործելու և մշտապես նորը կերտելու գործընթացը շնորհում: Այնժամ ոչ մի խոչընդոտ չի կարող դիմակայել կամ կասեցնել այդ ուժը, ուժ, որ Աստծուց է ստանարվում՝ իր մեջ կիզակենտրոնվ միշտ լավն ու բարին:

Այսպես ծնունդ առավ Սևանի հոգևոր Դպրանոցը:

Ութ տարի առաջ էր, երբ Արարատյան Հայրապետական Թեմի առաջնորդական փոխանորդ Տ. Գարեգին արք. Ներսիսյանը, առաջնորդված լուսապայծառ տեսիլքով, օրհնությամբ երջանկափիշատակ Վազգեն Ա կաթողիկոսի, Սևանա գողտրիկ թրակղզում բացեց դպրանոցը, որը հետագայում, ի հարգանս լուսահոգի Հայրապետի, կոչվեց «Վազգենյան»: Վաղեմի տեսիլքն իրականություն դարձավ. մի տունկ ևս վերընձուղվեց Հայաստանյայց Առաքելական Սուրբ եկեղեցու անդամատանում: Եվ ահա այդ տունկը երկրորդ անգամ է պողակալում:

Սեպտեմբերի 14-ին, Խաչվերացի տոնի՝ արդեն ավանդական դարձած կիրակի օրը, նախագահությամբ Գերաշնորհ Տ. Գարեգին արք. Ներսիսյանի, տեղի ժեմեցավ Սևանի Վազգենյան Հոգևոր Դպրանոցի 1997-98 ուսումնական տարվա բացման արարողությունը: Հանդիսությունից առաջ Ս. Առաքելոց եկեղեցում մատուցվեց Ս. Պատարագ, որին ներկա էին բազում հյուրեր և դպրանոցի դասախոսական կազմը: Հավարտ Պատարագի, եկեղեցում հավուր պատշաճի ֆարզ խոսեց դպրանոցի առաջին սերնդի շրջանավարտ բարեշնորհ Ադամ սրկ. Տոնիկյանը: Այնուհետև ուսանողներն ու դասախոսները տեսչի և մյուս ներկաների հետ, Սրբազան Հոր առաջնորդությամբ, ուղևորվեցին ուսումնական մասնաշենք:

Հանդիսությունն սկսվեց «Հայր մեր»-ով, որից հետո սաների կատարմամբ հնչեց «Մեր հայրենիք» խմբերգը: Բացման խոսքով հանդես եկավ դպրանոցի տեսուչ արժանապատիվ Տ. Միհայր քհն. Մարտիրոսյանը՝ ի մասնավորի կարևորելով կրթօջախի առաջընթացի և ձեռքբերումների համար հիմք հանդիսացող նախադրյալները. Սրբազան Հոր հայրախնամ հոգատարությունը դպրանոցի հանդեպ, դասախոսների անձնվեր աշխատանքը և, վերջապես, կրթօջախում տիրող առողջ մթնոլորտը:

Այս տարի դպրանոցը տվեց ութ շրջանավարտ, որոնցից երեքը՝ սարկավագներ: Մի ֆանի օրից նրանք իրենց ուսումը կշարունակեն Մայր Աթոռ Ս. Էջմիածնի ձեմաբանում: Դրա փոխարեն դպրանոցը համալրվեց տասնվեց նորընծա սաներով: Շրջանավարտներից շնորհակալական խոսքով հանդես եկավ Սամվել ուրարակիր կիրակցապետը:

Այնուհետև ասմունքի, հոգևոր և աշխարհիկ երգերի բարձրարվեստ կատարումից հետո իր խոհերն ու ստացած տպավորություններն արտահայտեց Ա լսարանի սան Հովհաննես Աղաջանյանը։ Դասախոսական կազմի անունից ելույթ ունեցան Հայ Եկեղեցու պատմության դասախոս պրն. Սանդրո Բեհրուդյանը և գրաբարի դասախոս պրն. Հենրիկ Ավետիսյանը՝ իրենց բարեմաղթանքի ու խրախուսանքի ջերմ խոսքերով ոգևորելով ներկաներին։

Վերջում նրանց իր հայրական օրհնությունը բերեց վերատեսուչ Գարեգին արք. Ներսիսյանը։ Արտահայտելով իր ուրախությունը նոր տարեշրջանի բացման և երկրորդ սերնդի շրջանավարտներ նախապահելու առիթով՝ Սրբազան Հայրը անդրադարձավ, որ դպրանոցն արդեն ամրագրված ավանդույթներ ունի. կենսագրություն և արդյունք, որ, գումարվելով Հայ Եկեղեցու կառույցին, ծառայելու է նրա զորացմանը։ Հոգևոր դպրանոցի բացման և կայացման ճանապարհին ներդրված ջանքերի ու գոհալուծությունների համար իրեն վարձատրված համարելով՝ Գարեգին արք. Ներսիսյանը բարեմաղթանքի իր խոսքն ու օրհնությունն ուղղեց շրջանավարտներին։ Այնուհետև, իր մտածումները կիսելով ներկաների հետ, նա անդրադարձավ նաև դպրանոցի տարածքում կառուցվող նոր համալիրի բարեհաջող ընթացող շինարարական աշխատանքներին։

Հանդիսությունը փակվեց Տերունական աղոթքով և Սրբազան Հոր «Պահպանիչ»-ով։

*Արտակ Սահակյան*

*Սևանի Վազգենյան Դպրանոցի  
Ե լսարանի սան*